

偶

齋

詩

草

偶齋詩草內次集卷一

壬庚集

王子至庚由

宗室寶廷竹坡著

送車乙齋夫子山左秋試遂還登州

豈忍遠相別登科在此行單車返齊國千里出燕京野  
驛河雲暗荒城海氣平山川堪悅目不必怨遙程

又

城開對蜃樓異境說登州遠送先生去難從杖履遊旅  
途須慎重省會莫淹留待到衡門日雙魚望速修

再移西山

甲寅

市井難居想遠遷移家再到翠微邊舉頭青嶂仍千尺  
迴首紅塵又四年鄰里相逢親似昔林巒更覺美於前  
尙慚一事未如願方宅猶無數畝田

呻吟

世人喜貴顯攀援頗苦辛權勢稍勝人自謂榮於身其  
下雖畏之其上有貴臣禮儀須盡恭呵責屈受頻究其  
所施受榮辱原相均與其人畏我孰若不畏人

詠史

縱觀遙代史慷慨屢悲歌自古已如此今人可奈何名

難窮士立譏是寵人多所以嚴陵叟狂吟破鉤簾

擬古

巍巍一華屋創造數百年風飄雨摧頽然已不堅方期屋中人脩葺俾周全反同竊椽枕忻忻易帛錢愚人忘庇身只求快目前目前爾暫快誰云爾不然

盆梅

本是調羹可用材屈身瓦缶近塵埃三分春色生書案一縷幽香鎖鏡臺莫笑拘墟非大器要知清豔獨先開時來畢竟當移去千丈峯頭向日栽

弔鐵荔崖先生

方面脩鬚貌絕塵胸衿豪放更無倫  
豈知白髮狂吟客頓作黃腸久臥人華屋  
崔巍猶似昔荒塋寂寞尙如新傷心才大難爲繼悲慨非關舊結鄰

功名

功名如美色佳在未得先癡心生妄想美趣渾無邊及乎身歷時頓覺減於前逮至歷之久益覺味索然非關所遇殊實乃心使焉請君澹視之毋以絲自纏

送成書雲宜少畊入城

送客入城去臨歧心怏悒徘徊不忍行隣頭相對立風  
微澗泉響雲低山樹合展輶車已遙凝眸望不及

寺居集

庚申至壬戌

冬夕宜少畊錫蘭臺相過小飲少頃西鄰景翁亦  
至喜而成篇

佳客相繼至小酌敝廬中開樽飲未酣邂逅來鄰翁人  
生難得惟契友百歲知能幾聚首今宵幸得共歡娛佳  
會良時毋枉負飢寒困苦勿擾心兵燹流離休挂口勸  
君不醉莫辭杯此夕酒錢儂尙有

送舅介山先生之黑龍江

別離二載喜今還  
豈料匆忙又出關  
王事迫公難久駐  
窮愁驅我不能閒  
馬鳴衰草沙千里  
猿嘯西風雪萬山  
邊塞荒涼身獨歷  
再歸知更鬢毛斑

戲吟

本非出衆軼羣材  
正合潛身隱草萊  
未近試期文嬾讀  
欲言心事句頻裁  
朝餐少米將書換  
夜飲無錢怕客來  
莫笑鰐生貧且賤  
日調鼎鼐作鹽梅

擬古

漢京多顯宦要路同爭先權勢雖赫奕其中恒沸然既畏近臣怒復求人主歡謀賄思彌苦望遷眠難安妄念興私情日夜心旌懸富貴匪不樂心勞亦可憐

自述答勸時藝者

從古高人輕及第於今文士豔登瀛笑儂野性與人異不急求名不避名

送人

得逢詩客愜閒情忽欲分襟事遠征恨煞青山不解事不生當道阻人行

答文鏡寰先生卽用元韵

讀君詩未瞻君面幾番欲訪愁無便今朝又得讀君詩  
讀君詩益思相見君詩超妙眞唐音句中不使纖塵侵  
敲金戛玉調清絕開緘使我頻披吟才高復能細組織  
不比江珧柱難食鈞天雅奏幾曾聞莫怪時人未能識  
侵陶伐謝盟杜韓千軍筆掃良非難有才如此自可樂  
何須扼腕嗟寒酸自愧庸愚難抗手腴顏欲附君爲友  
秋涼擬共欵衡門一卷新詩一壺酒

人言

人言飢寒苦我謂飢寒好只受飢與寒何足生煩惱俗  
冗如亂絲無故相纏繞解脫實無計心緒日紛擾昂首  
呼蒼天何獨使人巧

送舅連介山先生還黑龍江

吾家如可增一箸豈忍使公天涯去公家如有百畝田  
豈能舍我官窮邊其奈兩家皆未有安得與公不分手  
執手難分將奈何送行止可詩頻哦無詩留公公不停  
有詩留公公亦行臨歧相送難爲情夕陽明古樹衰草  
連荒城

經萬泉莊懷徐進之

退

先生

徐叟多高趣山中我數逢吟詩狂罵虎

公有罵虎詩

下筆猛

飛龍

公善書

試院空勞力名場久絕蹤南歸不寂寞雛鳳

喜相從

夜作

北風捲地鳴街柝喧不歇敗葉亂敲窗寒燈半明滅擁衾寂不寐鬱結愁難絕萬事不如心躊躇肺肝熱儒冠慚枉戴貧窘謀生拙但願長飢寒身心得安帖

元元集

癸亥甲子

元旦

嗚呼此身幸已廿四年回思往事心如煎數奇只得咎  
已謬才疎不敢求人憐邇來數載窘迫極鄙事無故將  
身纏今歲料應更難度深愁未必能周全嗚呼此身幸  
已廿四年

初度

懷抱何時得暫開壯心摧折盡成灰窮方憇我焉能送  
病不憐人取次來欲寫春愁羞落筆怕看淑景嬾登臺  
年華廿四匆匆度舊事淒涼首重回

放歌

我本天下至迂至疏至拙至癡至懦人胡爲强加繩墨  
束我以儒巾致使終朝帖呻勞精神勞精神亦何益上  
不能致君中不能養親下不能救貧蹉跎蹭蹬無所獲  
蓬茅伏處愁倍劇束身待盡無良策飢寒困苦日相迫  
中心焦灼如火炙吁嗟乎求生不能求死不得

觀田家用韋應物原韻

入春久亢旱三月微雨始入夏旱仍舊田苗病難起農  
家盼稔殷殷日日強經理父老憂麥苗村人爭井水朝夕

起陰雲望者皆欣喜及至雨來時田疇潤而已胥吏不解旱猶自來鄉里

答文松巖同門訊近況

蹉跎蹭蹬志難伸子細思來總夙因草木有情應愛我  
文章無賴不憐人命當受困敢言樂事盡堪愁非獨貧  
休閒邇年榮與辱至今席帽未離身

蒲扇

蒲葉銳如劍挺生波浪閒取之以爲扇忽變成團圓豈  
伊自改移人力使之然乃知天下物未有不可圓

菖蒲仙界草種向荒江干良工組織成文理頗可觀世俗陋其值輕鄙如草菅一樣可招涼人獨重羅紝

白蓮

綽約凌波絕代容纖塵欲涴亦無從生原在水端應淡開不爭春豈必濃漫訥朱華舒豔豔偏宜綠蓋映重重寒梅可作清高友分占人間夏與冬

讀書樂

讀書有樂誰能得大半披吟惜心力四時妙趣正無窮箇中佳處尋愈出陽春正是讀書時絃誦蕭齋可自怡

柳絮半床書小楷桃花繞屋送新詩夏來春去風光變  
永晝如年讀不厭蕉窓風暖代披書苔徑露濃供洗硯  
秋光更覺美無加此際讀書情倍賒階前索句坐梧葉  
籬下攤書伴菊花讀書最是冬時好專經研究渾忘曉  
殘月穿窓燈影寒北風捲樹雞聲小讀書況味罕深嘗  
勉強爲儒亦可傷四時樂事雖靡盡未免習焉而若忘  
清苦難禁恒抑鬱功名不遂每悲涼請君試看四時讀  
書樂當亦終日欣然披縹囊

又

書中有真樂深嘗妙不覺可惜讀書人茫然未能得若問此樂何處存我亦不得爲君言

棋

幾道縱橫畫紙寬分疆絕界路漫漫半窗梅月留僧著  
滿榻松風有客觀生死到頭知已晚安危當局識原難  
眼前勝負空爭競轉瞬收枰總一般

行路難

前有山兮危峯怪石摩青天後有水兮驚濤駭浪茫無  
邊塵埃昏暗斷行客但見愁煙慘霧迷荒原崎嶇險阻

不堪步荆榛滿地人難遇狂風捲樹黃沙揚寒雲韜日  
紅無光風翻白骨逐人走烽煙漠漠延山長虎狼晝出  
猿狹夜鳴荒煙衰草匝野連城山川之奇險已不可越  
而况兵戈載道日夜心神驚車輪摧兮不可收馬蹄折  
兮汗血流馳驅跋涉無時休惴惴乎心寒膽裂朝夕歷  
艱險雖有名勝誰能遊嗟夫行路難到處多艱苦中心  
如懸旌幽懷無由吐吾願世人老死鄉里坐受飢寒切  
莫逐利奔名作行旅

吁嗟乎世路何難行千奇萬險斯人情縱使機深謀遠

尙難恃何論心如木石碌碌無才能競利爭名機械交乘忽而如火忽而如冰蜀道峻嶮較此猶爲平

白頭吟

人不恒少年色豈能久妍喜新而厭故男子固當然妾事君匪一日斲見不鮮何足憐四時寒暑尙變易豈獨君心能不遷妾色衰君當厭新人少君當戀願君好之至白頭慎勿半途情忽變

短歌行

嗚呼蒼穹胡使吾窮人皆有樂我獨不同生我者親

莫報其恩強顏在世何以爲人  
大漸不佳小空了了壯志難成不如速老蹉跎人壽無多及今未死且自高歌

春日雜詩

東風吹弱柳忽忽已中春小院多芳草閒居少故人愁深渾忘死窮久不慚貧無計求歡樂開樽酌酒頻

憶昔髫齡日安居不解愁詩書閒誦讀山水任遨遊轉瞬成陳跡回頭已廿秋那堪思往事靜坐淚頻流

無罪不妨賤有詩何謂窮謀生慚素拙得句喜能工牀

上書常滿杯中酒未空欣然願已足高枕臥窓東

偶題

三餐難必給奚論甘與肥雖則不能給中心每自怡人生天地間倏忽無幾時富貴與貧賤不過皆如斯有粟吾且飽無粟不妨飢乘化以待盡經營復何爲

困窮守陋巷無食復無衣我不以爲恥旁人偏我嗤人嗤亦何害未足言是非安貧順天命此樂人難知有杯可飲酒有壁可題詩餘事有與無何妨姑聽之

鶯

破曉攜柑去輕寒三月天板橋流水外楊柳一堤煙

燕

飛入華堂裏梁間可托身高棲雖得所應念捲簾人

蜂

辛勤蜜釀成徒供他人取蠶彼穴土者終身得安處

蝶

欲把名花覓隨風東復西拚敻無宿處不向草中棲

喜晤車乙齋夫子

竟得今生見登堂淚滿襟亂離三載別悲喜兩人心面

才欣重侍蓬茅荷辱臨

師至京後枉駕到舍值賢外出

回頭思往

弟感同深

山阿集

甲子

贈震甫

吾家兄弟讀書人此時惟餘我與君君早跬步登青雲  
我無才技甘沈淪昔年居遠難頻見數旬不得瞻君面  
相見雖疏相憶殷讀書有暇恒君念今春作客君南鄰  
朝夕正可同論文幾番相思不敢訪窮愁固結羞登門  
君年廿五入翰苑我今廿五依然賤同是祖宗之孫耳

榮辱相懸乃如此逢人不忍向人言恐人將我同君比  
噫天生我命當蹉跎兒兮兄兮奈弟何

秋日

西風吹冷雨萬木起秋聲陋巷少人到空庭多鳥鳴情  
因愁隔斷詩是恨催成彈指年將壯無才笑此生

贈清階平

吁嗟乎安得天下之物盡爲米使世間人皆飽死否則  
天下之字盡化錢家家寒士饒銅山錢兮米兮不可得  
拋書浩歎無良策高堂甘旨久難供貧雖可樂安忍樂

相交豈無富厚齊侯王相識豈無稅稻堆盈倉粟紅貫  
朽自得意昂頭誰屑憐詩狂笑君遭際不如我芸人舍  
已良堪傷詩成擲筆仰空歎西風捲雲斜照亂

長相思

長相思不知地一去四五年鄉書無半字秋風捲樹黃  
葉飛他鄉客子寒無衣寒無衣心傷悲衣縱有當寄誰  
不望今生再相遇但望遠人行有處

學舌耕集

甲子乙丑

瘦鶴

黃鶴骨棱棱高翔碧雲裏遙見厨中雞昂然飽欲死

寒雀

垂翼立寒庭毛羽涼如洗階前有腐粟猶自爭不已

癡蠅

生就趨炎品營營不自知若教夏常在誰敢謂君癡

偶成

窮愁取次苦相纏壯志銷磨盡化煙餉口那能籌隔宿  
然眉誰肯救當前悅親無技天難憫處世乖方鬼不憐  
安得山中沽美酒終年醉臥小窓邊

落第

功名本是尋常事其奈高堂有老親命舛自當終落拓  
家貧那可久沈淪文章不吐寒酸氣天地難容困頓身  
把酒浩歌肝膽熱丈夫豈屑淚沾巾

有感

風捲殘旗血戰深壞雲墜地大星沈祥麟數盡終遭害  
狡兔謀多竟莫擒四海瘡痍先帝業十年戎馬老臣  
心豺狼遍野煙烽熾翹首南天淚染衿

弔靈均

西風吹淚楚江深  
薛蘿山鬼寫哀音  
萬言莫表忠貞志  
九死難銷嫉妒心  
我欲臨淵弔靈魄  
汨羅幽遠不堪尋

高漸離

筑落祖龍驚狂雲  
繞殿生欲除天下  
患豈獨報荆卿

又

不藉刀劍功兵機  
雙手裏但遂報仇心  
何必仇人死

螢

斜月一鉤白滿庭  
槐影深深流螢何  
隱約入樹幾浮沈  
弄

影似得意照人如有心微光休自炫轉瞬日華臨

送人楚北從軍

男兒生不成名宜早死焉能困頓老鄉里腰間寶劍氣如虹不報私仇報國恥茫茫四海多煙塵鯨鯢餘孽猶紛紜壞雲倒地大將死齊東楚北騰妖氛丈夫有才不報主食毛踐土何爲人南風炎炎碧天熱紅日燒空片雲絕酒酣脫劍送君行擊案高歌聲激烈黃鶴樓鸚鵡洲荷戈驅馬好同遊羨君得志展驥足愧我與俗同沈浮妻孥朋友不足戀不淨烽煙莫相見

無題

舊事何堪說回頭淚暗流聞砧魂已斷不必待深秋

途中口占

清陰繞屋望瓏玲翹首頽垣涕欲零千古有情惟草木  
向人不改舊時青

招隱

天地無盡境隨處可潛身豈必在朝市豈必在山林石  
火無留光哀哉世間人守道自韜晦或可全其眞僞士  
隱以跡眞人隱以心方寸有妙境塵俗難相侵

憶昔成童時讀書西山陬山中無俗事朝夕惟遨遊好  
峯當戶立白雲隨地流時復攜老僧聯句青山頭人生  
有真樂何必爲王侯寄語素心人勿爲名利留

雜詩

生固無可貪死亦無可喜人生天地間不過只如此忽  
忽百年中盡其當爲耳身外事儘多誰暇強經理

桃李本凡卉歷亂栽山阿春風一吹噓錦繡盈枝柯鸞  
燕貪豔麗飛舞林間多秋菊豈無香其奈開遲何

蓮花

清標本合種瑤池誰向江邊帶雨移  
飄泊只隨秋浪轉  
凋零一任曉風吹生原在水端應淡開  
不爭春豈厭遲  
縱使淤泥深百尺亭亭終有出頭時

捉車

軍行急如火胥役紛捉車係累縣門前五日不還家  
門前已充淪野外猶紛拏有錢私放行無錢空歎嗟奮臂  
傾所載歷亂拋泥沙輿天跪路祈言出鞭垂加大言此  
公事擒汝歸官衙奉上命載軍裝汝敢不從耶奪轡驅  
車行揚鞭涉泥淖與夫相對泣役夫相視笑

秋感

萬里暮天碧四山秋草黃登高望南野宇宙正茫茫兵  
燹連遙徼親朋阻遠方商聲聽不得掩袖暗悲傷

歲月滔滔去虛生恥向人乾坤餘戰壘天地寄愁身報  
主心空在匡時志莫伸詩書慚枉讀廿載久沈淪

咄咄書空坐貧居萬念灰破窓燈影亂窮巷雨聲哀憂  
重身難死殃深數不回微軀徒七尺委頓歎非材

冬夜與敍九飲

相對愁無語幽齋夜不眠秋聲鳴戶外人影聚燈前才

紺羞論命心灰怕問天今宵幸無事把酒且流連

中元

心中事無窮淒切誰堪訴明月滿長天獨向河邊步

是夕

已臥復起赴鍾邸南  
積水上徘徊久之

秋夜

今古空搔首窮愁積半生丈夫惟有恨天地竟無情衣食連年缺干戈四海盈躊躇不能寐倚枕淚頻傾

秋日作

嗟余材不肖遇事多艱難父母兄弟聞俯仰懷辛酸輕

死既不敢偷生心何安含淚望太蒼無能復何言

悲歌

天地生我豈獨使我身艱難父母生我豈遂意我常飢寒  
仰空淚如雨窮愁摧心肝朝食釜無米夕飲瓮無水高  
堂有老親使我何以奉甘旨年華迅速如流水一事無  
成半生聰高堂有父不能安生不堪生死難死天涯海  
角人萬千功名富貴同爭先我獨俯慚仰怍心如煎天  
蒼蒼地茫茫父兮母兮憂結中腸人皆有樂何我獨受  
其殃

鳴秋集乙丑

秋日雜感

我不負人人負我人不負我我負人丈夫虛生天地間  
兩般苦境同悲辛感時撫事悲難已如此苟活不如死  
仰空大笑呼上天胡不使我常幼年

父母養我時慈愛日有增偶然罹疾痛晝夜恒兢兢於  
今我身已生子調攝心殷復如此我愛兒兮兒不知愛  
兒當思作兒時

大海起洪浪飛騰無定隨風吹人生天地中東西南北

同奔馳百年忽忽如駒過蹶蹶不樂將如何

歲餘集乙丑

送敘九

蓬戶存嬌女悽淒廿四霜有情難語母無計可留郎寂寞良堪憫孤寒亦足傷名花隨地放莫忘故園香

同是癡情客分衿劇可憐鶯花新伴侶詩酒舊因緣相聚無多日重逢定幾年窮愁兼別恨握手共潸然

哭宜少畊

嗚呼天下豈乏堪死人胡爲上天獨死君禍淫福善果

何謂仰空大哭傷心神慚君自幼孤且苦歷盡艱難與  
險阻飢寒困苦卅一年愁懷固結無由吐雖然得路青  
雲中曇花一現旋成空栢中蔗外亂甘苦如斯顯達何  
如窮吁嗟乎天道茫茫向誰說若者當存若者沒才品  
如君竟早凋天命難移孰能奪天下豈乏堪死人胡爲  
上天獨死君

塞下曲

丈夫不虛生誓當酬主恩滅賊衛邦家生死何足論所  
恨無事權奔走徒苦辛安邊豈無策何由達君門

主將不知兵謀士徒紛紛寇強不敢擾縱兵掠平民除  
暴爲安良良暴胡不分此身拚無功不忍妄殺人

塞外多風霜血戰苦艱辛豈不念父母旦夕卽無身衣  
單復食缺奔走隨胡塵但見金與帛朝朝入中軍

束髮從征役匆匆幾春秋暴骨滿邊庭苦戰未能休豈  
伊戎虜衆將軍無遠謀生死兩難歸去去休回頭

除夕懷人

彩雲一朵墜青天才調功名盡枉然只謂兩心俱不朽  
那知一面竟無緣問病草往視及門已逝窮愁賸我誰相惜顯達

如君亦可憐一卷舊詩饒逸氣何人付梓代流傳  
騷壇文陣結知音交淺誰期意卻深夜月難通千里夢  
春風空負卅年心金闕淒切情何極鐵嶺迢遙信久沈  
莫把勛名換詩酒鬢毛轉瞬雪霜侵

偶齋詩草內次集卷二

閒吟集

丙寅

宗室寶廷竹坡著

拾嬰行

孟春八日夕聞巷西溝中有赤子拾歸女也一息  
如絲懨懨欲斃內子懷而哺之半晌乃蘇欲養爲  
已女奈乳乏弗能與阿洪并育友人引年聞而憐  
之釀金覓鄰婦撫之女身只敝絮一塊無氏族及  
生年或疑爲私育者然已薙髮決非始生蓋貧不  
能兩全故棄之而求活也因拾日命名阿穀作拾

嬰行以紀之

鄧攸棄子全其姪郭巨埋兒養其親前賢事出不得已  
取大棄小傷天倫嗟哉斯女何爲棄骨肉分析多因貧  
啼飢號寒不可耐頓令毛裏成途人吁嗟頓令毛裏成  
途人世間萬事皆由貧

有感

兩間難著苦吟身空使英雄淚滿巾塵世有誰真識我  
丈夫何事不如人壯心欲出三千界好景虛拋廿七年  
脩短到頭終是盡那須對境自悲辛

解館留別靈介眉

今生所見人未有如公者學才亦平平性情獨無假熟  
心兼血性難求三代下慷慨本天成舉止復瀟洒今將  
舍公去不禁淚盈把甘作負心人苦衷難自寫

留別宗子美迪甫昆仲

我與宗子美同是號詩人相從二年餘兩心日以親父  
母妻子外惟吾相見頻朝夕共唱酬顛倒忘主賓一旦  
與君別清淚沾衣巾豈不樂追隨其如家太貧  
迪甫才可教惜哉心太浮從此務沈潛學業何難脩詎

忍棄汝去事勢難久留訓迪無微功素餐良足羞

過少畔家

憶昔君在時日日扣君門譚詩復說賦歡笑忘朝昏今  
復至君門含悲不忍扣院宇尙依然門楣亦如舊門楣  
雖如舊開門不見君門內馬纓花枝葉仍紛紜去年花  
放時相對花閒坐今日來花閒傷心惟贖我我今雖未  
死亦復難久生落拓塵埃中壯志悲難成死者不再生  
生者行將死同是薄命人生死皆如此

冬日感懷

幽齋寂寞小庭空落葉蕭蕭走烈風曲逕荒涼枯草碧  
寒窓慘淡夕陽紅壯心灰盡惟餘死浩氣消平甘受窮  
回首韶華增慨感廿年贏得一詩筒

休洗紅

休洗紅洗多紅成白濃淡本相懸轉瞬忽改易世路茫  
茫不可知富貴顯耀能幾時

休洗紅洗紅紅色去縱教重染成終難色如故年華一  
去難再來棄婦已去羞復回

冬日懷人

朔風吹去鴈人在洞庭南靜坐思前事淒涼太不堪

又

我愛文夫子高標絕俗塵能詩何患老有酒不知貧醉後風神逸田間趣味真幾時去城市野外結芳鄰

詩客在何處荒墳枯草深功名三載夢生死兩人心壯志成虛望窮愁獨苦吟慨君兼自慨把筆淚沾衿

草草塵緣短悠悠夙願辜餘情牽晚菊新恨繞荒蘆淚盡詩空在愁深夢亦無寒衾不成寐倚枕自嗟吁

窮樂府

余窮有年矣所處皆窮境所遇皆窮事所交皆窮人  
身之所歷目之所見耳之所聞其奇窮之狀有  
難乎爲情者窮居無事戲成數章以寄慨題曰窮  
樂府紀實也他日柳車草船共送窮神相和而歌  
之亦窮中韻事也

紈袴 悲困窮也

紈袴紈袴身垂敗絮日之西矣粥餧未茹昔日黃金鞍  
今日易早餐一餐尙不足更摘冠頭玉廚無米兮竈無  
薪門前索租客多於當時堂上賓

閼闌 悲零替也

見無衣女無履兒負薪女汲水奔走大道中相看面如  
紙道傍野老向人言云是茂才子司冠孫

東營 悲勤勞也

朝東營暮西城往戴月歸見星孔雀變鷹鵠搏擊不成  
文彩亦捐

南望 悲困頓也

麒麟不受羈勒鳳凰不入網罟大木干尋有時而俯木

屈風人屈窮

孤鸞 悲孤特也

孤鸞鳴聲辛酸雌在樹雄在山聞聲易比翼難富貴功名難自立妾不怨君君不怨妾

大夫行 悲勤苦也

馳雕輪兮騁華轂武夫前呵兮童僕後逐彼何人兮獨勞厥足厥足語厥頭子榮有限我勞無休

先生饌 悲飢餓也

在家苦飢在外苦飢爲藜腹中飢賣身上衣樹難老人難飽人難飽人易老

朝登朝 悲清寒也

朝登朝假車服暮歸家食脫粟脫粟不能飽添薪煮茶

蓼玉堂金馬

叶不如爲賈東閣西清不如爲僧

哀宜少咷也少

呻吟會欲爲僧

貧無廬 悲失所也

貧無屋借寺宿貧無被裹氊睡出門行沽路逢故奴奴  
前屈身問起居奴衣爛如錦主衣膝不掩

君馬黃

君馬黃我馬亦黃君馬奮迅我馬騰驤出同途兮入同

櫨終日相親兮不相隔自君登青雲我馬與君日疎逖  
今日相逢大道傍我馬君馬猶相識

君馬黃臣馬黃亦同君馬日千里四足輕追風臣馬弱  
無力負重蹀躞荒田中皮毛之間固無異才力懸絕難  
相通世人堪笑遺神取貌因駕輕驥是非顛倒古來出  
衆軼羣材不遇知音枉嗟悼噫安得伯樂生九方輿別  
僞相出眞形王良執策九達驅以行

枯魚過河泣

枯魚過河泣生魚在河悲死者旣已矣生者知幾時

有所思

有所思有所思君思妾妾思君君不思妾妾亦君思聞  
君東行又聞西去心縱能往不知道路昔日雙珠玳瑁  
簪拾取拉襍搥燒之搥燒之不忍揚其灰此簪猶是君  
所貽

鳳鳴謠

鳳凰鳴矣其聲鏘鏘鳳凰飛矣其翼洋洋尙無實兮桐  
無枝回翔四顧兮不知所栖思欲飛上天思欲飛下地  
思欲飛天地外地不可入兮天不可登低頭下從羣鳥

鳴

古風

南國有奇禽人言是孔雀五色備文章光輝爍金碧主人愛毛羽珍重同鸞鶴不飛亦不鳴安然垂錦翮文彩非弗彰惜哉難擊搏

靈蚌生北海潛居已千春含珠不敢開浮沈濁水濱一朝珠光發遂不保其身珍物歸世閒骨肉拋沙塵剝剔豈不慘自喜靈光存

駕言出燕都登彼黃金臺黃金杳何處遺跡餘蒿萊好

士思昭王奮起招賢才大事情未成身亡霸業頽登高  
不忍去欲下重徘徊求賢亦何難忌才良可哀

我欲上青天天空不可攀我欲下入地地堅不可穿我  
欲登高山山高多雲煙我欲過大海海水生波瀾

一十二萬年悠悠已半過鴻荒道旣遠治亂何其多羸  
秦滅王道殺伐干天和漢魏六朝來旦夕尋兵戈唐宋  
嗣一統安能幾何轉瞬及元明反掌移山河天道豈  
殊途人事難同科吾欲終此曲氣結不能歌

冉冉歲云暮朔風增苦寒萬卉盡折摧霜雪彌岡蘋窮

愁者誰子俛仰悲辛酸脫粟不能充敝袍恒苦單申懷  
鬱不舒進退良自難陽和縱有時青春何日還

明皇掃四海指顧江山收揮袂逐羣雄宇宙銷戈矛陵  
夷三百年朝野同優遊積弱勢不振坐使亡神州祖宗  
何富強子孫何弱柔側衣念前朝涕下沾重裘

大海浩無涯波濤接天起東西南北闊汪洋幾萬里巨  
舟高如山來往隨風駛頃刻達四維湧洞無涯涘中華  
幾許地安足填此水

寒夜

風繁雪初集雲深月不明徘徊短檐下街栎已三更落  
落十年事迢迢萬里情寒宵倍惆悵獨立淚縱橫

聞妙香集

丙寅

復館靈介翁題贈子美

自我去君家八旬有餘耳今日復見君離合情難已人  
生百年中聚散知有幾萬感迫寸心誰能久不死相逢  
須盡懼人無永聚理

詠懷

與敘九聯句

猶有相逢日

敘

奇窮敢自傷乾坤餘壯志

竹

天地入愁

腸樂境無如死  
敘生涯笑獨忙  
卅年成底事  
竹詩酒枉

疏狂  
敘

初秋興子美聯句

西風昨夜來  
美吹去人間夏炎暑  
頓消除  
竹高梧葉初下  
感此傷人心  
美含愁臥茅舍  
時序迅如流  
竹光陰難暫假  
人生知幾何  
美轉瞬卽凋謝  
竹

書扇

歲月空拋去  
悠悠廿七春  
不求如意事  
甘作可憐人  
拔拙羞言命才疎  
樂處貧浮生彈指過  
莫歎志難伸

病泄汙衣芷亭爲浣之感而有作

古人豈無憐我人惜哉古人生我前後人豈無憐我者  
其如天年不我假當今之人誰憐吾悠悠宇宙空長吁  
蔗朋蜜友縱千百僞親虛愛終如無旣不能奴顏婢膝  
求人憐又不忍蠅營狗苟相資緣癡情傲骨本天授遭  
逢到處嗟艱難今日見君淚潛墮生前竟有人憐我

小酌與皆平聯句

有酒何妨醉竹無詩豈足豪樽前人落拓皆心上事牢  
騷命舛偏難死竹才多枉自勞躊躇無所適皆熟淚染

青袍竹

送孫丹五之粵西

南遊詩客幾時還  
別路迢遙楚粵間  
明月孤舟洞庭水  
秋風古樹桂林山  
江湖勝景欣先歷  
花柳餘情忍盡刪  
相見太遲離太速  
揮毫不覺淚潛潛

秋夜

老屋一燈昏  
西風敲破門  
憂深人不寐  
滑冷被難溫  
熱淚爲誰洒  
愁懷羞自言  
廿年成底事  
生計贍詩存

仲秋八日夜雨夢少畊

君死已尤月今夜兩夢君豈君魂果來抑我夢紛紜憶  
昔君在時朝夕同相親論詩復說賦握手懽難分我性  
素放蕩風月勞心神君每悲我癡苦口常誦謠自君舍  
我去我情益沈淪豈無相親者良言不可聞良友不再  
來藥石嗟無人何時載酒肴痛哭西郊墳

廿年

廿年飄忽過負負笑浮生彈指時將去迴頭淚暗傾愁  
深翻樂病癡極卻無情世事原如此空勞抱不平

無謂集

丁卯

中秋夕偶病腹痛倦臥空齋無心賞月矣而皆平  
強瞶不已遂同飲至三更始散醉後成此呈皆  
平以答雅意

天邊有月杯有酒嘉會良時莫辜負百年三千六百旬  
如此清宵能幾有世情從古本如斯困頓窮愁豈足奇  
拘墟放達摠多事萬事何妨姑聽之有肴不必佳果與  
珍羞有地不必玉宇與珠樓酸梨苦棗足含咀荒園老  
圃堪遨遊是夕無肴惟酸梨而已座中佳客亦無幾相逢恰  
喜情相投人生適意卽爲快眼前有樂何多求君不見

圃堪遨遊

是夕無肴惟酸梨而已

與皆平圃棗而已

明月無窮亦無達亦復有時如鏡時如鈎

贈敘九

愁懷揮不去日日苦相侵世事本如夢人生胡有心淒涼空自歎落拓已難禁今夕聞君語悽然悲更深

送丹五歸月下口占

撲面西風急閒行愁煞人可憐一片月空照六街塵旛  
旆悲前事蕭條感夙因良宵枉辜負贏得淚沾巾

偶成

悽淒何所事朝夕獨悲傷有恨都成淚無愁亦斷腸半

生悲自誤廿載笑空忙彈指青年過升沉擬盡忘

有贈

我生緣太難君生緣太易緣難固可傷緣易亦無謂我今聞君言不覺淚頻墜人生天地間動靜皆多事

與鏡寰宿敘九家聯句

白酒同懽飲鏡良宵共苦吟燭光搖客影敘香氣沁詩心遠栎隨風盡竹清鐘逐月沈相將休閒夜鏡只恐曉

寒侵

敘

羅宿集

丁卯

春夜宿泉麓處

情投那復論交新  
懽會渾忘夜嚮晨  
一榻茶煙香入夢  
半窓燈影暖依人  
須知詩酒緣難合  
莫歎功名志未伸  
相對蕭齋心欵洽  
遭逢萍水總前因

昌運宮

壯觀盡凋謝  
琳宮餘舊基  
墻前四株松  
曾見全盛時  
我欲詢前事  
問松松不知

長歌行

男兒不作人間絕  
頂人卽當埋頭溝鑿  
甘沈淪胡爲詩

書翰墨勞精神天地父母空生七尺身時摧命折甘載  
恒悲辛枉教鏤魂刻魄雕心肝入凌鬼虧壯志終難伸  
家無恒產徒手安養親衣虧食乏到處嗟艱難虛名僞  
譽饒倅烏足云豐啼暖號老弱同飢寒困虬失水低首  
從遊鱗大鵬遭縛有翮難凌雲心灰膽落齷齪隨風塵  
會當披髮洗足歸深山朝耕暮織永爲隴畝民十二萬  
年不復來人寰

見慈壽寺壁閒少畔詩感而成詠

古壁嵯峨淨少塵縱橫詩句鬪清新支頤幾度迴環讀

墨跡依稀似故人

病中作

老父年六旬纏綿病難已輾轉將半年病勢伏還起溫  
補乏醫藥奉養缺甘旨慚愧衰邁人何由得調理憶我  
少多疾調攝不如此悲哉貧爲患有子乃如此

有兒纔三齡清慧殊可欣嬉戲露聰明斲然頗異人所  
愧家貧寒無以養其身衣食不能充朝夕空悲辛哀哉  
慈道虧寒士難爲親

幽齋靜無人睡醒日已吐倦臥不肯起披衣欲亭午開

門看庭花方知夜來雨有鳥鳴花間雙雙如對語負手  
立階前逍遙自容與半晌還入房獨坐酌新釀

抱疴臥斗室踴躍難自安豈伊畏疾痛朝夕憂飢寒衣  
裳久典空啟笥徒悲歎鮑叔縱有人未語先生慚幸生  
不可恃得死方安然高堂有老親言念摧心肝

干戈

干戈擾攘餘生在身世凋零壯志灰四海瘡痍滋盜寇  
一家飢餓困塵埃乾坤有恨羞看劍今古無情獨舉杯  
彈指年華漸消歇天時人事兩相催

卷之二  
四月廿日同又章登陶然亭題壁

小菴風景劇清新佳日登臨暗愴神修潔自饒塵外趣  
浮沈誰惜夢中身良遊勝地皆陳跡死別生離盡故人  
獨坐陶然亭上望感懷難免淚沾巾

崔烈婦行

烈婦氏尹薊州農家子歸同郡崔士龍崔故貧傭  
書奉母賴烈婦針縫佐甘旨十六年崔病咯血侍  
湯藥數月不解衣帶日夜悲號目盡赤焚香祝天  
願以身代額血涔涔弗顧也然竟不起烈婦故無

子崔有妹適錢氏乃託其養姑誓以死殉親眷勸  
且伺之婦求死不得佯許之防少疎仰藥死

臣忠不必死當理忠心激烈難自己一片愚忠照青史  
子孝不必死當理孝念肫誠難自己毀體糜身不知悔  
婦烈不必死當理烈性剛堅難自己同穴同室心不改  
崔家有婦人中豪貞心俠性何堅牢殺身殉義不自惜  
叩天流血長哀號夫存姑有兒以身相代夫何辭夫亡  
姑有女留未亡人亦何補拏將一命報所天事不周全  
心倍苦天不許夫生天難禁妾死棄命從夫天亦喜恩

臣孝子古今傳慷慨捐軀亦如此噫通經達權豈無人  
奄然苟活何紛紛

忍飢

早起囊無錢忍飢臥窓下開書不欲看慘然淚盈把悠  
悠廿八年志多事成寡文字妄馳騁詩書誤擣撋捫心  
默自思我果何爲者

有詠

有父不能事有子不能育有妻不能教有書不能讀悠  
悠天地間塵俗空勞碌低首困蓬廬默坐吞聲哭

偶成

卅載飄零憤窮居淚不傾已將身自棄何事氣難平志  
爲貧難立愁因久漸輕夜臺知未遠潦草過浮生

窮奇集

雨夜書懷

卅載成何用蹉跎誤此身才疎難入世技拙聊稱人落  
拓慚良友飢寒累老親躡躇枕難就忽忽已侵晨

雨後卽事

玉沼銀塘景物新天容水色恰宜人煙籠晚岫嵐光暗

浪靜平橋樹影真戎馬八年飛戰血湖山十里積灰塵  
雲車一去龍難返回首西郊淚滿巾

感秋

撫事悲難已觀時感慨深干戈催刦運水旱變天心夕  
日懸愁影寒蛩送苦音茅齋抱膝坐無語涕沾巾

放歌

天生我身爲受寒天生我口爲忍飢天生我手當勞瘁  
天生我足當奔馳天生我命既如此亦復何喜何傷  
悲賤肌貧骨不可易經營慘淡將何爲有父不能事有

子不能育有家不能和有書不能讀上不能致身卿相  
保君民下不能爭競刀錐飽口腹時乖命舛不相憐低  
首塵埃空碌碌一十二萬年何長三萬六千日何短長  
者吾既不能窮短者吾亦不能滿曹焉苟活三十五十  
年猶且志屈心湮不容展灾奇禍險苦相纏忍辱偷生  
顏自腆天兮地兮父兮母兮我生何爲竟若斯兮嗚呼  
我生何爲竟若斯命既如斯當安之

書懷

苦境纏人總不休迷津業海幾沈浮未遭奇禍知難死

縱得榮名亦自羞廿載至今惟有淚一生從此只低頭  
濁醪半斗聊尋醉滿院秋風動客愁

萬感交加萃一身才虧智盡枉悲辛幾時流俗方容我  
何事男兒屢負人別樣窮愁難擬議無聊家計且因循  
年華彈指皆虛擲落拓空嗟命不辰

抒懷

無計遣牢愁虛生廿八秋在家仍作客無罪已如囚氣  
餒情空在心灰淚不流幽懷誰可訴靜坐獨煩憂

偶成

俯首困蓬蓽窮居氣不舒家貧疎骨肉命舛誤詩書屈指華年過傷心壯志虛功名俱未立掩卷幾欷歔

又

往事都成誤回頭淚暗傾迂癡虧子職庸懦損家聲意亂疎詩酒心灰厭利名高堂親尙在忍辱且偷生

雨夕偶書

有父不能事飄零無所歸儒居破茅廬定省多睽違慨慷年邁人頻遭寒與飢病軀受蹂躪委頓難求醫撫事默自思此責當在誰

昔我曾王父勤儉儲陰功積德蔭後昆家道增豐隆田  
園擴世業科第開文風綿綿五十年垂裕滋無窮愧余  
夫不孝卑污墜厥宗家聲一朝喪基業胥成空俯仰兩  
懷慚惄心難自容九原如可作掩袂愁相逢

年少慕風雅詩酒多交遊放蕩城市中朝夕相綢繆心  
疎畧眞僞意廣忘恩仇文章判道德翰墨成戈矛聲氣  
固足重比匪良堪羞

寒雨夜不歇秋風侵人肌抱膝臥敝罽凜冽寒難支少  
壯已如此衰老從可知無能何爲人涕下沾裳衣

與友人談祖德感賦

有父尙難事何顏說祖禰感事動中懷悲愴難自己偉  
績久凋零墮基墜難起不肖愧承先欲說羞啟齒當年  
創業時未必念及此勸君休再言恐重先人恥

遊仙

學儒既不就學道豈能成窮愁閉智慧至道參難明真  
誠達寤寐夢裏逢仙靈低頭問丹訣長跪依雲輶仙言  
子命薄求道徒勞形得死已深幸何暇求長生

夸父逐白日拄杖空長歎秦皇造海橋巨石徒遭鞭五

利采靈藥空望蓬萊山少翁矜幻術致鬼難求仙大道  
本無爲強致終徒然

靈芝不可采蟠桃不可偷神棗不可食仙藥不可求十  
洲不可渡三島不可遊太息望仙人日夜恒窮愁

春感

年年春色好年年春色催人老年年春色來年年春色  
使人悲春色使人悲人悲春不知紅花碧草自妍麗那  
管情人傷別離傷別離淚空墜坐對春風添別思今年  
春色去年同胡不吹回去年事

感遇

榮榮秋後花莫莫春前草乘時自爭妍顏色同美好一朝霜雪至花草皆枯槁萬物終成空強自分遲早

弔靈均

秋風吹淚楚江秋落日楓林山鬼愁混俗忍從漁父語離騷空寫大夫憂丹心抑塞天難問白骨沈淪水自流千載文章標屈宋臨淵有句敢輕投